

Qual' sò

Sò a tarra di a storia
Spessu chjamata a più bedda
Sò u cori è a mimoria
Di à so alma ribedda
Sò a mamma chì nustrisci
È chì ti dà à capisci

Sò la to lingua materna
Ùn vogliu essa sbattizata
Vogliu campà à l'eternu
Senza essa tralasciata
Di tè sò fiatu è libertà
Di mè mai ùn t'avvargugnà

**Sò la to bianca bandera
Cù a stampa di u moru
Sbattuleghja cusì fiera
À l'altura d'un maghju d'oru
Sò a voci è appratesa
Di un populu in attesa**

Sò di cori è sò d'onori
Prontu à l'ospitalità
Parlu sempri cù ardori
Sò passioni è sincirità
À mè surghjenti hè spiranza
Chjama ugnunu à a fratiddanza

Sò u mari è a muntagna
A muredda è a filetta
Sò supprana è sò suttana
Dà u celu sò binadetta
Sò u ventu di salvezza
Chì ti toglì l'amarezza

Sò cità è paisolu

**U passatu è l'avveni
U piaghjincu u muntagnolu
L'estru chì corri in li veni
Sò signora è pastureda
Sò la vostra Cursichedda
La vostra Cursichedda**

Petru Squarcini / Jean-Louis Ghiddi / Simon'Paulu Ferrandi